

Na osnovu člana 67. stav (3) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/5) i člana 7. stav (2) Zakona o novčanim podrškama u poljoprivredi i ruralnom razvoju Tuzlanskog kantona ("Službene novine Tuzlanskog kantona", broj: 8/14, 2/16, 4/18 i 12/20), uz pribavljeni akt Skupštine Tuzlanskog kantona, broj: 02-02-617-2/22 od 17.11.2022. godine, ministar poljoprivrede, šumarstva i vodoprivrede d o n o s i:

P R A V I L N I K
O DOPUNI PRAVILNIKA
O OSTVARIVANJU NOVČANIH PODRŠKI
PO MODELU PODRŠKE PROIZVODNJI

Član 1.

U Pravilniku o ostvarivanju novčanih podrški po modelu podrške proizvodnji ("Službene novine Tuzlanskog kantona" broj: 14/20, 15/21, 21/21 i 14/22), iza člana 36c. dodaju se novi članovi 36d. i 36e. i glase:

"Član 36d.

(Podrška za ublažavanje posljedica poremećaja na tržištu – muzne krave)

(1) Pravo na novčanu podršku za ublažavanje posljedica poremećaja na tržištu (muzne krave) imaju korisnici koji su u 2022. godini ostvarili pravo na novčanu podršku po modelu podrške proizvodnji za muzne krave na osnovu Programa novčanih podrški u poljoprivredi i ruralnom razvoju u 2022. godini.

(2) Uz zahtjev za isplatu novčane podrške za ublažavanje posljedica poremećaja na tržištu otkupljiivač/prerađivač u ime korisnika dostavlja općinskoj/gradskoj službi:

- a) kopiju rješenja o ostvarenom pravu na novčanu podršku u 2022. godini po modelu podrške proizvodnji za muzne krave,
- b) ovjerenu izjavu korisnika o broju grla u trenutku podnošenja zahtjeva,
- c) ovjerenu izjavu otkupljiivača sa spiskom korisnika koji u trenutku podnošenja zahtjeva imaju važeći ugovor o isporuci mlijeka sa otkupljiivačem.

(3) Zahtjev sa propisanom dokumentacijom otkupljiivač/prerađivač u ime korisnika, dostavlja općinskoj/gradskoj službi u roku od sedam dana od dana donošenja ovog Pravilnika, a najkasnije do 01.12.2022. godine.

(4) Obračun novčane podrške se vrši na osnovu broja grla za koje je ostvareno pravo na novčanu podršku u 2022. godini, odnosno broja grla navedenih u izjavu ukoliko je došlo do smanjenja broja grla u odnosu na prethodno ostvareno pravo na novčanu podršku.

(5) Općinska/gradska služba rješenja i propisane obrasce dostavlja Ministarstvu odmah po donošenju rješenja, a najkasnije do 13.12.2022. godine.

Član 36e.

(Tov junadi)

(1) Pravo na novčanu podršku za ublažavanje posljedica poremećaja na tržištu – tov junadi imaju korisnici za najmanje tri grla, za koje je započet tov u periodu od stupanja na snagu Programa za 2022. godinu do dana podnošenja zahtjeva, a koji nije okončan u trenutku podnošenja zahtjeva.

(2) Uz zahtjev za isplatu novčane podrške korisnici pored dokaza iz člana 4. ovog Pravilnika općinskoj/gradskoj službi dostavljaju, u originalu ili ovjerenoj kopiji, sljedeću dokumentaciju:

- a) zapisnik o uvođenju u tov sačinjen od strane ovlaštenih službenika Poljoprivrednog zavoda,
- b) pasoš za grla, na ime klijenta (neovjerena kopija),
- c) ovjerena izjava klijenta da će grla zadržati u tovu najmanje 200 dana, do početka tova.
- (3) Zahtjev sa propisanom dokumentacijom korisnik dostavlja općinskoj/gradskoj službi do 01.12. 2022. godine.
- (4) Općinska/gradska služba rješenja i propisane obrasce dostavlja Ministarstvu odmah po donošenju rješenja, a najkasnije do 13.12. 2022. godine. "

Član 2.

Pravilnik stupa na snagu danom donošenja, a objavit će se u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
Tuzlanski kanton
Ministarstvo poljoprivrede,
šumarstva i vodoprivrede

Broj: 04/1-20-015518-10/21
Tuzla, 18.11.2022. godine

